

*Hil honetako gogoetan Genero Berdintasunaren balioa eta Arizmendiarrietak EMAKUMEARI buruz zuen ikuspegia aurkezten dugu. Haren jarrera erradikala da. Emakumearentzat leku bat eta aukerak exijitzetik harantzago doa. Gogor salatzen ditu gizonaren jarrera eta erantzukizuna. Bere hitzetan: “Baliteke guk geuk gaixotasun moduko nagusitasun sentimendua edukitzea”.*

*Eta, etorkizunera begira, gizonen eta emakumeen arteko beharrezko elkarlana aldarrikatzen du: “...bizitzan emakumearen lankidetzarik gabe aurrera egitea da hanka bakarrez korrika egin nahi izatea”.*

**Emakumearen posizioa da, gizarte guztietan, garapen mailaren neurri zehatza. (66)**

### **Beste gogoeta batzuk**

*Gure herria gizonaren presentzia bakarrarekin ahuldu egiten da. (56)*

*Emakumeek kontzientzia sozial gutxi badute, hori da gure komunitateak kontzientzia gutxi duelako. (67)*

*Gizonok ez dugu eskubidea, zehatzago esanda, ez dugu behar besteko arrazoi morala emakumeen portaera kritikatzeko, gu geu gara-eta gizartea hala antolatu dugunok emakumeek konpartsa zeregina baino izan dezaten, eta, politago edo zatarrago, apaingarri baino izan ez daitezen gizartearen erregea, gizona, pozik uzteko. (69)*

*Gure pentsaera itxiaren biktimak gara, emakumeek dituzten ahalmenak eta oso prozesu operatorio ezberdinetara moldatzeko duten gaitasuna epaituta. Geure barruan, pozik sentitzen gara gure emakumeak heldugabetzat hartuta, lanaren eta gizonaren aurrean beti ahul ikusita. Baliteke guk geuk gaixotasun moduko nagusitasun sentimendua edukitzea. (70)*

*Emakumea kexu da kontuan hartzen ez dutelako eta berak dituen ahalmen eta gaitasunak gutxiesten dizkiotelako. Egia da, baina, neurri batean, hauxe galdetu beharko lioke bere buruari: Zer egiten dugu baldintza beretan egoteko? Ez da nahikoa negar egitearekin zorte txarra dutela esanda; borroka egin behar dute dagokien posizioa konkistatzeko, baina ez tietan eta ozpinetan egonda. (68)*

*Gizonek eta emakumeek elkarren beharra dute jarduera eta gizakiaren bizitzaren maila guztietan, eta, ondorioz, gizartean emakumearen laguntzarik gabe aurrera egitea da hanka bakarraz korrika egin nahi izatea. (73)*

*Gure ustez ez dago gauza zentzugabeagorik emakumea etxearen esklabo izatera behartzea, etxetik ihes egitera bultzatzea baino. (72)*

*Zientziaren garaipen handiek salbazio txikienik ez duten izakienetako bat salbatzeko balio izan du: emakumea. (71)*

*Nire ustean, helburu soziala da, eta denoi dagokigun ardura, pareko ahalegina egitea emakumeei gizonezkoiei bezala lanpostuak eskaintzeko. Ez dirudi oso zuzena denik denon eskubide eta betebeharrak den hori definizioz ukatzeko, hots: lan egitea, eta ahalik eta errendimendu handienez lan egitea. (287)*

*Lanaren balioak ez du sexuarekin zerikusirik. (288)*

*Modu batzuek pisu handia dute, eta horra hor zergatik gizona, animalia inteligentea dena baino prebendetan finko errotuta dagoena, nahita saiatzen den bere nagusitasunari eusten, hain zuzen ere boterearen eksklusibotasunean oinarrituta eta abileziak formulatutako lege batzuen laguntzarekin lortutako nagusitasunari, nagusitasun hori mendetan eta oposizio berezirik gabe bermatuta izateraino, ez bada matriarkatua garairen batean edo beste matriarkatuak agindu zeneko garairen batean edo beste, baina horiek noizean behin izan dira eta ez dute garrantzi handirik izan. (65)*